

南山陽周實實丹原名桂生

無盡庵遺集

詩話

樂記曰凡音者生人心者也情動於中故形於聲聲成文謂之音是故治世之音安以樂其政和亂世之音怨以怒其政乖亡國之音哀以思其民困聲音之道與政通矣夫古之樂歌卽古之詩章也詩三百篇皆被諸管絃而登諸廟堂者也其中變風變雅之詩人因憂盛而危明哀時而念亂故不能復爲雍容揄揚之音亦其時政使然爾近有儉奴言詩開口便求興會以爲是主人生福命也殊不知爵祿富貴乃儻來之俄頃榮華何關人身心學問之事况乎衆生之哀樂實與運會相轉移雖有大力莫之能挽使強起而挽之轉成謬種矣當太平之日而好爲危苦之言者是謂無病而呻當流離之際而好爲吉祥之語者是謂有憂而喜無病而呻有憂而喜此必非人情矣世有非人情而可與言詩者乎

楊子雲有返離騷余曾著詩非之曰千古名流工感慨問誰狂妄返離騷又曰

妄返離騷者能無撰羨新後讀戴南山文集其讀楊確傳有曰夫離騷不必廣

也亦不可返也離騷可返而莽大夫亦可爲矣持論正與余同

傅青主先生論書法曰甯拙毋巧甯醜毋媚甯支離毋輕滑甯真率毋安排嘻作詩之道亦何獨不然哉且不僅作詩之道宜然也按青主先生初學唐人書法不能肖得松雪墨跡稍習之遂亂真已而愧曰是如學正人君子輒苦其難一旦與匪人游不覺日親於是復學顏太師世之模擬松雪者聞此其亦可以廢然返矣

青主先生哭平定張濟曰今世之醜酒婦人以求必死者有幾人哉嗚呼張生是無沙場之志等也吾甚憐其言以爲足使小儒昨舌近高亞賓有句云生死花叢甘作蝶靈蘊清夢醉梨雲其庶幾知先生之言者乎

少陵曰文章一小技於道未爲尊昌黎曰可憐無益費精神有似黃金擲虛牝永叔曰文章無用等畫虎名譽過耳如飛蠅東坡曰新詞綺語亦安用相與變滅隨東風近代汪大紳曰消沉文字海萬古涕淋浪吾鄉潘四農曰願作詩人

即可憐紛紛過眼况雲烟蔚宗目睫真名論我亦耽吟三十年嗚呼此是何等胸襟何等才調惟不屑以詩人自待而其詩乃益高世有甫解呼晤卽張旗標侈然以風騷自詡者以視諸先生之所造爲何如也實逢時多亂大道未窺蟬蛸歲月苦作蟲吟然而朝攬鏡夜枕戈身弱志壯竊不願以詩人二字了此一生成也丙午登掃葉樓有句云千古文章悲小技春鳥秋蟲莫矜喜衰叟隨園瓦礫多一代風流長已矣又已酉寒夜有句云便令文字能千古末技微名未足賢每一展誦輒有無限蹉跎之慨日歎月歎恐吾言之終不副也近某有集唐贈友人句曰自是君身有仙骨莫拋心力作詞人可謂語重心長吾時時所以自策

能專工一家者可以作詩不能博覽諸家者不可以作詩話嘻吾甚愧矣

今體詩忌複字此亦唐人應制應試之體則然耳若夫友朋酬答林泉嘯傲藏之名山傳之後世之作卽有一二複字亦未足爲佳句累也唐之香山宋之劍南今體均多複字至東坡九月九日憶子由一詩則犯四不字矣其辭曰花開

酒美長不醉歸看南山冷翠微憶弟淚如雲不散望鄉心與雁南飛明年縱
人應老昨日追憶意已違不信秋風強吹帽秦人不笑楚人譏然猶不犯於一
聯中其一聯中犯複字者則張公裕云馬踏舊路行來滑龜放長河不共來東
坡云淒風瑟縮吹絃柱香霧淒迷著鬢髮元遺山云聞道舊傳言外意忘言今
得眼中人近代王漁洋云漢廷露下仙人掌銀漢光連帝子槎趙甌北云禁中
才子微之句年少神仙子晉筆已酉余作秣陵春愁詩有燕影久迷王謝宅鵲
聲爭卽帝王墳一聯犯兩王字庚戌余作遺懷詩有生無可樂寧祈死人已無
良莫問天一聯犯兩無字此雖不足爲訓然非詩道之害

梅村曰故人當日燔妻子我因母在何敢死憔悴而今至於此吾悲其言又從
而深譏之宋遺民鄭所南先生曰我憶我父教我者日夜泣血哭成顛我有老
母病老病相依爲命生餘生欲死不得爲孝子欲生不得爲忠臣吾每誦其言
輒淚下如雨恍見先生凜然立於吾前不覺五體之投地也嗚呼兩詩直是一
副言語而百世後之褒貶若此士君子於本原之地顧可不躬行力踐乎哉

所南先生所著心史一書至明崇禎戊寅歲始出於古吳智井中近則流廣既
廣海內士夫罔不知先生者矣潛德幽光久而必發理固然也先生詩曰咸淳
集大義集中興集計二百五十首語語沉痛語語樸直除傷時念亂殺賊復仇
外別無所陳說反之覆之絡之繹之而不見有一詞之費吾生平極愛誦之以
爲可以起頑振懦今節錄其尤佳者於此以志向往德祐二年歲旦云一心中
國夢萬古下泉詩又云朝朝向南拜願觀漢旌旗又云讀書成底事報國是何
人此心云海中擎日出天外喚風生卽事云湘蘭終戀楚吳橘不踰淮又云故
國英雄淚終身父母心偶成云花柳有愁春正苦江山無主月空圓答人云報
國心惟憂漢賦讀書人肯學胡兒寒菊云寄可枝頭抱香死不曾吹落北風中
補夢中作云此身不死胡兒手留與君王取太平絕句云一望秋風數千里不
知何處是行宮又十三門裡秋光冷誰夢朝天喝道歸陷虜歌曰彼儒衣冠誰
家子靡然相從亦如此不知平日讀何書失節抱虎反於喜遺興云古今無二
道死生惟一心德祐六年歲旦歌曰痛憶我君我父母眼中不識天下人不變

不變誓不變萬挫以死無二心醉喝海嶽尙翻動不信不滅大羊羣寫憤曰六年萬憂苦四海一腥羶又云剖雲行白日翻海洗青天詠懷云精衛雖至微啣石尙填海一點至烈心千生萬生在續洗兵馬云四夷交侵小雅廢率其子弟攻父母又云丈夫立身乃大事一失此足死亦恥二礪云十年勾踐亡吳計七日包胥哭楚心三礪云背裂齒碎志懇懇祭之天性齊論汶我生一雙霹靂手終碎此虜爲齋粉十二礪云誓以匹夫紆國難艱於亂世取人才屢嘗算至難謀處裂破肺肝天地哀十四礪云深山大澤精靈哭赤縣神州烏獸居又云漢室公卿周勃少河梁朋友李陵多十七礪云我有真黃金祇作土價賣陪笑示衆人竟無一人買日暮哭歸來反爲衆所怪昭君歎云德祐百官人稷契腹抱理學縱橫說尙棄君父從背判乃教妻妾學貞烈此等悲憤嗚咽之句不可一一數卽以詩論亦宋代大家已

放翁詩曰死去原知萬事空但悲不見九州同王師北定中原日家祭無忘告乃翁所南詩曰我爲國之臣於義當捐軀受死不爲痛國家終何如念此迫我

心萬劍裂肌膚骨腐尙含冤且爲國家圖兩人悽懷君國至死不忘其致一也

所南所處之境較放翁愈苦故其語亦愈痛

建文出忘一事近世修明史及通鑑輯覽皆削而不載乃據成祖實錄謂建文

實自焚也獨明史紀事本末則曆曆紀之且附論曰隱巢之事不直序於貞觀

燭斧之疑亦依違於興國時史所書非無曲筆矣况胡濙訪○思恩擢職以及

陵在西山不封不樹皆有目所共睹又豈得以傳聞異辭也斯論也吾實喜之

一時亡國君臣其鎖尾流離艱險阻之狀庶幾不終歸泯沒乎按建文帝由

神樂觀啟行自松陵入滇南西游重慶東游天臺轉入祥符僑居西粵中間棲

遲於白龍徘徊於羅永兩入荊楚之鄉三幸史彬之第踪跡去來至可哀憫所

爲詩歌尤不勝其悲咽誦之而不潸然墮涕者非人情矣登峨眉云登高不待

東回首但見雲從故國飛入楚登章臺山弔古云楚歌趙舞今何在惟見寒鴉

繞樹啼游漢陽登晴川樓云江波猶湧恨林靄欲翻愁偶賦云半落西南四十

元閣下雨聲收新蒲細柳年年綠野老吞聲哭未休至貴州金笠長官司羅永
菴趙壁云風塵一夕忽南侵天命潛移四海心鳳返丹山紅日遠龍歸滄海碧
雲深紫微有象星還拱玉漏無聲水自沉遙想禁城今夜月六宮猶望翠華臨
閱盡樛嚴磬懶敲笑看黃屋寄團瓢南來瘴嶺千層迴北望天門萬里遙款段
久忘飛鳳輦袞袞新換袞龍袍百官此日歸何處唯有羣烏早晚朝

近代詩人黃公度愛爲長篇洋灑數千言光怪陸離前此未嘗有也漢人孔雀
東南飛一篇共一千七百四十五字沈歸愚氏已推爲古今第一長篇頃讀鮑
廷博氏所刊知不足齋叢書內宋人所著鬼董一種載有鉅鹿王氏女妾薄命
歎一篇計二千五百三十四字實古今罕覩者矣其事怪誕不足錄錄其辭曰
爰爰尋坦路淒風響枯枝路本羊腸形折轉多他岐誤識爲直道偶陷深蒺藜
密林蔽寒月清光透妾肌野鴉徹夜啼隳笑自悲雄狐繞妾號鼯鼠相追隨
獨近虎狼窟啖吐安可期妾心豈不懼仰賴穹蒼垂少年學彈箏善鼓陽春詞
長年學吹笙一吹雙鳳儀中年罹家禍衆口生嫌疑主君不及察遂妾江之碕

昔嘗致幽調酣歡頗見奇今忽厲顏色中道成睽離羣寵好肉食妾獨甘苦薺
羣寵好羅綺妾獨披素絲羣寵好外交妾獨嚴門楣人情惡異已璫瑣摘取耻
主君豈不明妾心洞無欺彼忍弄孟毒危機轉斯須不解覆盆情請我爭妍媸
捐棄長三年剖心無所施呼天天不言呼地地不知獨呼父與母何用生我爲
羸羸溘草宿父母呼孳孳攜手問苦樂白髮雙涕淚訓妾無改心掣手忽失之
村雞已罷韻林杪流朝曦凝霜厚膚寸輾轉寒且飢飢尙乏糲糲寒苦滅然箕
振衣恣所適偶入班姬祠配享古烈婦異代同貞姿吞聲禱元蛟口口相委蛇
老足推朕北端貞諒所宜神明保終竟致志無自衰出門顧孤影棣棣何所嘗
寒波印宿眸獨步清淮湄偶逢驢山嫗左右兩相釐長蹠即休咎爲我問靈菩
白茅藉沙上展册尋良規上卦乃山岳下卦乃澤陂義文命爲損剛柔彖爲時
周孔祈神教示妾懲忿辭左贈雙瑤簪右贈雙瓊芝元醜瀉腰壺烟霧滿雙卮
一吸洗塵骨再吸清宿脾稽首願爲徒冉冉不能追極目望空際俯首致遐思
兀然迷去住深雲忽四馳濛濛宿霧生霏霏雨雪滋蹠蹠不自憐行行何所咨

遙遙玉宇寒念念懸雙眉浮浮覆幃間鬱鬱何能支慷慨復自寬靜一貴所持
凌晨拾杜若薄暮攀江籬入溪攪薛芷陟山采辛夷滋菊以允佩幽蘭以薦纈
董蕙紉高髻芳蓀結輕綦芙蓉製裳裙周旋亦賦麗臨泉更洗心淇漣無塵私
願登主君門含血懇所權鄰母憫我冤爲妾啼橫頤勸汝須鄭重枉自獲忸怩
羣寵方治容寧堪衆囁呢引領望危閣霄漢千重基十二玉欄杆飛鞞敵枹棖
佳氣鬱繚繞雙雙峙文鳩可仰不可卽欽抱空漣而宮牆不得入况望薦柔柔
衣冠不得睹况望執盃匪聲響不得聞况望徵熊髯髣髴適四野唯雉飛雄雌
嗷嗷亂鳥鵲狂狂鹿麋綠煙走夜燐明滅多妖魘妾心不比石石破心不剝
妾心不比鐵鐵蝕心不移氣嗚作長虹虹消心不崩淚落凝碧血血盡心不滴
一心徑方寸宇宙爲四維四維今忽張妾身獨蹈危人生同百骸苦樂何倍蓰
誰家搗衣裳刀尺聞時規誰家贊中饋滲瀝鳴金匙誰家慶兒女調笑聲嘻嘻
妾長抱窮愁手足空蒙纒伏迴文巧悽悽終對誰中宵坐長歎寒露滋淋漓
嗷嗷孤雁聲聲怨離披聽聽裂肝腸懊惱成臭癡知生有願果知彫有碧椅

知方不知圓大地徒容伊自恨恨無聊挾面如刀盤驅殼何所用不如委幽達
抱石臨深淵馮夷拒且嗤攀柯欲雉涇繻斷如人推持刀忍自割刀折空復噫
人求生不得我求死無資天地誰云寬無所容四肢誰云日月明往來不照私
雨露未沾潤誰云澤浩瀾黃陵委何日墨墨徒行尸撫膺發浩歎抑首見南箕
箕畔列牛女望望亦何其天上懸幽恨人間徒自疚不寐對明蟾吟哦薄命詩
字字皆自咎句句皆自卑篇篇相思淚耿耿矢神祇結束明依歸處女乃吾師
危坐候大昕素楮舖平堦纖織出玉臂刺血忍號謫搦管書血字體勢追樊姬
大義關綱常國家根本治不比長門賦首尾祈歡怡持展跪天讀神鬼皆於戲
讀罷卷作封殷勤孰爲貽仰登華岳峯俯臨湘水涯尺鯉竟不至賓鴻亦我詒
買賣無所托顧見雙黃鸝嚶嚶留好者翼短無所裨歛衽復吟哦天風爲我吹
百蟲爲我奔羣芳爲我萎花落春復華人老無回嗚抱膝一假寐夢入主君幃
宛爾素昔容申申弄長髭拜起泣且訴問對良孜孜主君頓然悟引手強攜提
遜避忽振覺依然身在茲形影自相弔惜惜如躑鷃愕然魂與魄骨立如枯榴

盤盤習故武兩腓如柔峰旋後復低臥殘骸如囊皮默默忽回想人壽無百期
五內忌百歲傷衷不可醫梳洗整容態亦自時矚砥春顧忘憂花百草時甦糝
滴露採麴蘗醞釀成珍醕和以愛河水漉以慈竹澆貯以借老航泛泛浮綠蟻
寄言獻主君斥之爲村醜長夜不自愛摘蒲出淵漪結爲合歡扇奇奇價不貴
寄言獻主君拋擲供晨炊初秋履峻石石中含瑞琦碧成雙連環光爛羞琉璃
寄言獻主君遙途阻透迤冬經不斷縷端緒華口口緯以歲寒線製成同心襦
寄言獻主君願言充纓綉乘乘不復視况望收窮贏達心竟無由進退惟險陔
安能坐待斃四海聊猶夷須女整颺馭元女揚參旗口女擊雲蓋華女執霞麾
弄玉乘長策青女妙執綬白虎服右驂左驂乃倉螭前驅奮丹鳥後擁蛇與龜
靈旛雙招搖發輒何躡泥駕言適東瀛仙姝對弈棋中有古麻姑挾我坐以嬉
一杵未勝負已爛樵斧柯迴輪急西向息駕崑崙崑崙崑崙崑崙崑崙崑崙崑崙崑崙
上坐西王母溫慰亦熙熙顧呼董雙成命取素所司七絃妾對拊哀音動寒颺
王母不忍聽泣醜雙交梨謝歸轉夙駕丹立遐且巘靈妃著南宇驚問來何遲
囊出古書冊云是曹娥碑始稱節不改終稱行無虧檢卷對清誨飛駕臨玄池
北隅苦風色姑射膚凝脂搗我展畫玩宛似秦山陲卻憶秦山陰雙鶴虛茅茨
收淚何所往直到銀河坻玉女正擲梭鼓杼不知疲離恨雖不言宿淚雙凝頤
顧妾停機杼指心盟不移再拜頌瓊華復度白銀漪題曰廣寒都宮殿相連漣
織阿步缺板望舒笑呢嚀羽衣霓裳曲再奏舞傲傲姬娥憐妾誠賜我不死劑
苾苾一刀圭試嘗甘如飴無將獻主君長生敢自荷樂極能歡聽憶我墳與箴
乘風忽返駕復履舊園籬鄰母共相勞周游諒多禧顏色羨美好靈慧失前峯
聞之頗自慶整衣獻所齋到門門不開拒我聲詭詭衆犬吠信信羣寵隔門闕
依依門外柳青青牆上苔搖搖路傍竹灼灼籬邊葵采采雙鴛鴦池塘戲深蘂
相對皆有情無情獨屢屢長號欲奮去此情終繫縻薄鳩安鷓巢魚雁潛鳧託
彼升此顧沉物理亦繆繆古來妾薄命顛連妾敢辭主君明且哲酌水分漚淄
妾味誠不凡主君當自語但願主君心權衡柝毫釐但願主君身康甯延福祿
但願主君家內外敦倫彜主君衣食溫妾寒亦自慎主君當醉飽妾餒如噬臍